

Alse de bref gelesen was, led sin gnade fragen umb eyn ordele dat recht were, so alse he de borgere to Hannover, de finer gnade, finer prelaten, manne unde undersaten man weren, geladen laten hedde mit velicheit in duffet gerichte sich des to vorantwortende, mit wat rechte se figent geworden weren unde schaden gedan hedden unde se hxr in dem gerichte nicht to rechten antwordende weren, wu sin gnade on vorvolgen mochte na lenrechtes rechte, dat finen gnaden unde den finen recht schege unde on neyn unrecht enschege? wart gebunden vor recht: „me scholde se inladen mit der herschup sworn boden unde twen sworn belenden mannen“; denn so to dem ersten male unde to dem derden male so geschach. Alse se denn to dem dridden ingeeschet weren unde nicht enquemen, leit sin gnade fragen, wu sin gnade on vorvolgen mochte? wart gefunden vor recht: „sin gnade scholde sine klage anleggen“, do leit sin gnade seggen, de van Hannover weren finer gnade, lande unde lude, finer prelaten, manschup, stede unde undersaten figent geworden.

Alse he den bref gelesen laten hedde hoben vorbedinge ores rechtes jegen god, ere unde recht, so alse se finer gnade underdanigen sin scholden unde sin stad unde erbe were, dat mit rechte nicht bestan enmochte na inholde der gulden bullen unde konnichliken reformacien vorgecreven. Dat were sin clage unde ansprake tegen sine unde finer undersaten belende manne bynnen Hannovere wonhaftich, dat sin gnade unde sine undersaten van on sodanes billiken vorhaben scholde gesyn wesen, unde leit fragen umb ein recht, indem se nicht enquemen unde sich vorantworten unde vorsatich worden des gerichtes, wes des mit rechte bestan mochte? ward gefunden vor recht: „sin gnade mochte den schaden na lude finer clage bewisen gelik alse sin gnade de feide bewiset hedde.“ In gerichte, leit sin gnade fragen, wu he den schaden bewisen scholde? ward gefunden: „mit eeden, mit fines sulves hant unde munt unde mit seven finer guden mannen“; dat denne schach mit finen gnaden unde seven syner sworn mannen, de den schaden vortelden unde ore witteschup seden mit eden, mit handen unde mit munden.